

հերթական համարների աակ նրա արխիվում պահվող նյութերը լիակատար կերպով արտացոլում են Գալանդերյանի կյանքի և ստեղծագործական ուղին: Նրա երաժշտական հեղինակությունները մեծ մասամբ մասնական են. կան և քնարական, գերադանցապես պարուրված թախծի ու կարոտի մոտիվներով:

Վ. ՍՈՒԼԹԱՆՅԱՆ

ԴԻՍԵՐՏԱՑԻԱՆԵՐԻ ՊԱՇՏՊԱՆՈՒԹՅՈՒՆ

1953 թ. հունիսի 21-ին Հայկական ՍՍՌ ԳԱ նիստերի դահլիճում տեղի ունեցավ Պատմության ինստիտուտի գիտական խորհրդի նիստը, որտեղ լսվեց Պատմության ինստիտուտի կրտսեր գիտական աշխատակից Դերենիկ Սուրենի Վարդումյանի «Լոռվա գյուղացիության կոլտնտեսային կենցաղը» և Վլադիմիր Նահապետի Ղազախեցյանի «Հայկական ՍՍՌ-ն Մեծ բեկման տարում» (1929) դիսերտացիաների հրապարակային պաշտպանությունը, պատմական գիտությունների թեկնածուի գիտական աստիճան ստանալու համար:

Ընկ. Վարդումյանի դիսերտացիայի պաշտոնական օպոնենտներ՝ դոկտոր-պրոֆեսոր Է. Աղայանը, պատմ. գիտությունների թեկնածուներ՝ Է. Կարապետյանը և Վ. Բեդյանը, ինչպես և ելույթ ունեցող ընկերները նշեցին «Լոռվա գյուղացիության կոլտնտեսային կենցաղը» թեմայով դիսերտացիոն աշխատանքի արժանիքները և միջնորդեցին գիտական խորհրդի առաջ ընկ. Վարդումյանին շնորհելու պատմական գիտությունների թեկնածուի գիտական աստիճան:

Վ. Ղազախեցյանի դիսերտացիայի պաշտոնական օպոնենտներ՝ դոկտոր-պրոֆեսոր Վ. Ռշտունին, էկոնոմիկական գիտությունների թեկնածու Ս. Նրիմյանը և պատմական գիտությունների թեկնածու Հ. Կարապետյանը նույնպես նշեցին ընկ. Ղազախեցյանի դիսերտացիոն աշխատանքի արժանիքները և միջնորդեցին՝ դիսերտացիոն շնորհելու նրա հայցած գիտական աստիճանը:

Պատմության ինստիտուտի գիտական խորհուրդը Դ. Ս. Վարդումյանին և Վ. Ն. Ղազախեցյանին շնորհեց պատմական գիտությունների թեկնածուի գիտական աստիճան:

27 / 6—53 թ.

1953 թ. հունիսի 1-ին և 2-ին Հայկական ՍՍՌ ԳԱ նիստերի դահլիճում տեղի ունեցավ Գրականության և արվեստի ինստիտուտի ու Լեզվի ինստիտուտի միացյալ գիտական խորհրդի դռնբաց նիստը, որտեղ լսվեցին հետևյալ դիսերտացիաների հրապարակային պաշտպանությունները:

1. Նդիշե Ավետիսի Մարտիկյան.— թեման՝ «Նկարիչ Ստեփան Աղաջանյանի ստեղծագործությունը»՝ արվեստագիտության թեկնածուի գիտական աստիճան ստանալու համար:

2. Արտաշես Բալասանի Կարինյան.— թեման՝ «Հայ պարբերական մամուլի պատմությունը»՝ ֆիլոլոգիական գիտությունների թեկնածուի գիտական աստիճան ստանալու համար:

3. Մատթեոս Հովհաննեսի Մուրադյան.— թեման՝ «Քրիստափոր Կարա-Մուրզան և բաղմամբանության ներմուծումը հայ երաժշտության մեջ»՝ արվեստագիտության թեկնածուի գիտական աստիճան ստանալու համար:

4. Մուշեղ Ղազարոսի Աղայան.— թեման՝ «Հայկական տաղերի երաժշտական արվեստը»՝ արվեստագիտության թեկնածուի գիտական աստիճան ստանալու համար:

Ե. Մարտիկյանի «Նկարիչ Ստեփան Աղաջանյանի ստեղծագործությունը» դիսերտացիայի համար որպես պաշտոնական օպոնենտներ հանդես եկան պրոֆեսորներ՝ Գ. Գյուրջյանը և Ս. Ստեփանյանը:

Ա. Կարինյանի գիսերտացիայի պաշտոնական օպոնենտներն էին Հայկական ՍՍՌ ԳԱ թղթակից-անդամ, դոկտոր-պրոֆեսոր Լ. Մելիքսեթ-Բեկը, պատմական գիտությունների դոկտոր-պրոֆեսոր Վ. Պարսաժյանը, Ելույթ ունեցան փիլիսոփայական գիտությունների թեկնածու Ա. Կարապետյանը, Հայկական ՍՍՌ ԳԱ թղթակից-անդամ Ա. Ղարիբյանը, Մ. Մուրադյանի «Քրիստոսի որդի» Կարա-Մուրդան և բազմաձայնության ներմուծումը հայ երաժշտության մեջ» գիսերտացիայի պաշտոնական օպոնենտներն էին՝ պրոֆեսորներ Ա. Տեր-Ղևոնդյանը, Գ. Բուդաղյանը, Ելույթ ունեցավ Հայկական ՍՍՌ ԳԱ թղթակից-անդամ պրոֆեսոր-դոկտոր Լ. Մելիքսեթ-Բեկը:

Ընկ. Մ. Աղայանի «Հայկական տաղերի երաժշտական արվեստը գիսերտացիայի պաշտոնական օպոնենտներն էին՝ պրոֆեսորներ Ա. Տեր-Ղևոնդյանը և Գ. Բուդաղյանը:

Գրականության և արվեստի ինստիտուտի ու Լեզվի ինստիտուտի միացյալ գիտական խորհուրդը Ա. Բ. Կարինյանին շնորհեց ֆելոլոգիական գիտությունների թեկնածուի գիտական աստիճան, իսկ Ե. Ա. Մարտիկյանին, Մ. Հ. Մուրադյանին և Մ. Ղ. Աղայանին՝ արվեստագիտության թեկնածուի գիտական աստիճան:

Լ. ՄԱՐՏԻՐՈՍՅԱՆ.

